



## Die Hausburschen

1. Liebe Lüt! als Husburschatrobate  
Wän mir hüt e bihli Bläch ablade.

Ref.: Denn durch's Johr isch guet's und schlächt's passiert  
Das wird alles jedem Chnoche expliziert.

2. Schwerverbrächer sin nit guet z'spedlere  
D'Polizishte mien derbi riskiere.

Ref.: Wenns ins Gefängnis Richtung Lörach goht  
Kei Verbrächer meh bim Schugger stoht.

3. D'Basler-Mätz bringt gwöhnlich schöni Sache  
Wo die Schwindler ihre Pulver mache.

Ref.: Doch e Frauezimmer „ohni Kopf“  
Helst so viel, wie ein vo Rieche „ohni Chropf“.

4. Wenn dä Hundebann no lang sot duure  
Zeigt d'Regierig au no Tollwuetspure.

Ref.: Wenn e Mulkorb nüt me nüt sot  
Wär für die au s'beschte Alkoholverbot.

5. D'Polizei macht öfters Commissione  
Im Inträssi, jungi Fräulein z'flohne.

Ref.: Au der Boppi het scho kräftig g'fluecht  
So ne Sürmel heig im Bett sie Liebchti bsuecht.

6. S'Wirtschaftsläbe mueß sich guet rentiere  
Näbebi chasch Maidli tarissiere.

Ref.: Doch als Wirt e Källnere uff der Schos  
Wie dä Schüreputzler an der S . . . . . stroß.

7. s'Strelke nüt nüt im Zoologisch Garte  
Die arme Tier mien z'lang uff's Frässe warte.

Ref.: Und die hochbewährti Diräktion  
Frißt dersür die doppelte Portion.

